

|           |                 |
|-----------|-----------------|
| Newspaper | Utusan Malaysia |
| Date      | 27/08/2017F     |

## Najib ulangi sejarah Tun Abdul Razak

Um-27/8/2017 Pg. 4

**BALIK PULAU 26 Ogos** - Datuk Seri Najib Tun Razak hari ini mengulangi sejarah ayahandanya, Allahyarham Tun Abdul Razak Hussein merasmikan pembukaan Sekolah Menengah Kebangsaan (SMK) Seri Balik Pulau di sini 48 tahun yang lalu.

Perdana Menteri turut menukarkan tanda tangan pada papan tanda di Galeri Tun Abdul Razak sebagai simbolik perasmian ruangan yang mempamerkan gambar aktiviti sekolah tersebut sejak 1965.

Dalam ucapan perasmianya, Najib turut menyeru 1,500 pelajar dan 108 guru sekolah berkenaan menghargai kemajuan yang dikecapi negara ini sekali gus memelihara daripada ancaman pihak tidak bertanggungjawab.

"Ayahanda saya rasmi pada 17 April 1969, tempoh itu begitu lama dalam lipatan sejarah, bila kita imbau dan lihat keadaan negara kita dapat saksikan negara Malaysia maju ke hadapan di bawah dasar kerajaan.

"Ada negara yang merdeka lebih awal daripada kita, ada yang merdeka sekitar kita tetapi pencapaian kemajuan negara mereka tidak seperti mana yang kita lihat di Malaysia.

"Kita kena pahat dalam ingatan supaya bila kita ingat sejarah negara, kita hargai apa yang pemimpin terdahulu dan kita sendiri buat," katanya ketika merasmi-



**NAJIB TUN RAZAK** menerima cenderamata daripada Wan Sajiri Wan Hassan (kanan) berupa gambar Allahyarham Tun Abdul Razak Hussein yang merasmikan pembukaan SMK Seri Balik Pulau sambil disaksikan P. Kamalanathan (dua dari kanan), Hilmi Yahaya (kiri) dan Zainal Abidin Osman (tengah) di Pulau Pinang, semalam. - MINGGUAN/AZMAN ASMAYATIM

kan sambutan Jubli Emas SMK Seri Balik Pulau di sini hari ini.

Yang turut hadir Timbalan Menteri Pendidikan 1, Datuk P. Kamalanathan; Timbalan Menteri Kesihatan, Datuk Seri Dr. Hilmi Yahaya; Pengerusi Badan Perhubungan UMNO Pulau Pinang, Datuk Seri Zainal Abidin Osman dan Pengetua SMK Seri Balik Pulau, Wan Sajiri Wan Hassan.

SMK Seri Balik Pulau ditubuh-

kan pada 10 Januari 1965 dan proses pengajaran dan pembelajaran persekolahan dijalankan di bangunan Sekolah Kebangsaan Genting namun seramai 500 pelajar dan 15 gurunya berpindah ke bangunan sendiri pada 1969.

Kini, sekolah tersebut yang mempunyai 108 guru terus cemerlang dalam memastikan lebih 1,500 pelajarnya mendapat pendidikan sempurna.